



सानसेयारि

बड'सा

सानसेयारि "बड'सा" ख्रीरालाइयाव  
अमाज्यादि जिज्जो लोब्बा थानाय रायथाय, खन्थाय,  
अल', अल'बाथा आरो दावबायारि थावनि, पार्क  
बाइदिनि सायाव लिबनाय लिबिदां दैथाय हर/  
सानसेयारि "बड'सा" ख्रीरालाइया खेबखानावै  
फोस्त्रावगोन्/

बड'सायाव लिबनायनि हुद्दा खालाम,  
"बड'सा" ख्री नोथां, जो बयबो आंगो खालाम।

सानसेयारि बड'सा मावखलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Tuesday ★ 4 February, 2025 Kokrajhar, BTC, Assam ★ Vol.- 33, Issue No. 305 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

दारिमिन आरो रांखास्थियारि आयदाखौ लानानै गिबि मन्थि ड  
शर्माआ गाहाइ मन्थि मदि आरो मिरुनि मन्थिफोरजो सावरायदों

फैगौ 24 फेब्रुवारियाव खुंनो गोनां जुमुर मोसानाय हारिमु  
दिन्थिफुंनयाव बाहागो लानो गाहाइ मन्थिखौ हांखायदों

गोदान दिल्ली, 3 फेब्रुवारि:  
आसामनि गिबि मन्थि ड  
हिमन्त बिश्व शर्माआ दिने  
हादतनि राजथावनि गोदान  
दिल्लीयाव दावबाय हैनानै  
आसामाव रांखास्थियारि आरो  
दारिमिनारि मावथांखिखौ  
फोखौनाय आयदाखौ लानानै  
हादतनि गाहाइ मन्थि नरेन्द्र मदि



आरो मिरुनि मन्थिफोरजो लोको  
हमनानै गुवारै सावरायलायदों।  
बावैसो सान सिगां आसामजो  
लोकोसे सा-सान्जा ओन्सोलनि  
थाखाय मिरु बाजेटआव माखासे  
बिथांखिफोर थिसन्नाय  
आयदाखौ लानानै गाहाइ मन्थि  
(□ 6 बिलाइआव)

काशि हिल्स अटनमास डिस्ट्रिक्ट काउन्सिल  
बिसायख थिया 21 फेब्रुवारियाव खुंजागोन  
पाइनियाइड एस. सिमनि नमिनेसन गथायनायाव  
गबिन्द चन्द्र बसुमतारिया बाहागो लादों

कक्राझार, 3 फेब्रुवारि: थानाय काशि हिल्स अटनमास  
मेघालय राइज्योनि सिडाव डिस्ट्रिक्ट काउन्सिलनि



बिसायख थिया फैगौ 21  
फेब्रुवारि, 2025 अक्टयाव  
खुंजानो थांगासिनो। थांनाय  
माखासे सानफोरनिफ्राय गुबुन  
गुबुन बिजाथिफोरनि नमिनेसन  
बिलाइ गथायनाय हाबाफरिया  
सोलिबोबाय थदों। खुंजानो  
गोनां बे काउन्सिल  
बिसायख थिनि थाखाय दिने 3  
(□ 6 बिलाइआव)

सुबुंखाथि साननि पेरैडआव बाहागो लानाय  
एन.सि.सि. हान्जाया राइज्यो बेंगिरिखौ लोको हमदों



गुवाहाटी, 3 फेब्रुवारि: 76थि  
सुबुंखाथि सान फालिनाय आरो गोदान  
दिल्लीआव गाहाइ मन्थिनि रेलिआव  
बाहागो लानाय एन.सि.सि हौवासा आरो  
हिन्जावसाफोरनि जानानै एनइआर  
डाइरेक्ट रेटनि केडेटफोर दिने राजभनाव  
आसामनि राइज्यो बेंगिरि श्री लक्ष्मण  
प्रसाद आचार्यखौ लोको हमहेंदों। मख 'नो  
गोनांदि, गासै 179 नि मोनसे हान्जाया  
आर.डी.सी. (□ 6 बिलाइआव)

4थि कक्राझार थुनलाइयारि फोर्बोआ जाफुंसारै थुंगेबाय

हादत-गुबुन हादतनि गासै 3 जौ निखुइ बांसिन खन्थाइगिरि-  
थुनलाइगिरि आरो लिगिरिफोरा बाहागो लाफैदों  
गौरां दैसा थुनलाइ बान्था गथायबाय



पाठशालायाव खुंनाय 77थि आसाम साहित्य  
सभानि नै बोसोरारि जथुम्मायाव सुबुंफोरनि दोहो  
आसामनि राव, थुनलाइ आरो हारिमु जौगाखानाया आसामनि  
हारियारि जिउखौ जौगाखां होदों: बुंधिगिरि कातिराम बर'

भबानिपुर, 3 फेब्रुवारि: आसाम  
साहित्य सभानि 77थि नै बोसोरारि  
पाठशाला जथुम्मायाव दिनेबो  
पाठशालानि भत्तदेब फोथाराव  
रोजा-रोजा सुबुंफोरा नुजाफैदों।  
जथुम्मानि त्रैथि सानखालिबो रंजा-  
बाजा थासारि सोमजिदों।  
हाबाफरियाव दिने सान्जोफुयाव  
जथुम्मानि गोवलां मेलाखौ खुंनाय  
जादों। आसाम साहित्य सभानि  
गोदानै बिसायख' जानाय



आफादगिरि डू बसन्त कुमार गस्वामीनि  
आफादगिरि मासि सामलायनायाव गाहाइ  
जौसाडव खुंनाय मेलाव मान गोनां आलासि  
महैर अरुणाचल प्रदेशनि मुंदांखा थुनलाइगिरि  
हेरि मारि, (□ 6 बिलाइआव)



आसाम सरकार  
फरायसालि सोलोथाइ बिफान



गुन'त्सव 2025

थामथि थोफों (4-7 फेब्रुवारि 2025)

10  
जिला

बिस्वनाथ, बडाइगाव, कासार, दरं, दिब्रुगर, दिमा  
हासाउ, ग'वालपारा, माजुलि, मरिगाव आरो नलबारि

गाव सुमोनथाइनि खालार  
4 फेब्रुवारि 2025

बायजोआरि सुमोनथाइनि खालार  
5-7 फेब्रुवारि 2025

फरायसालिनि अनजिमा 12,375

फरायसा-फरायसुलिनि  
अनजिमा 11,38,275

बायजोआरि  
सुमोनथाइगिरिनि अनजिमा 4,967

- सरखारि/सरखारि खालामजानाय फरायसालि
- मडेल फरायसालि
- साहाबागान ओनसोलनि मडेल फरायसालि
- कस्तुरबा गान्धी बालिका बिद्यालय
- नेताजी सुभाष चन्द्र बसु थाखुलिगोनां फरायसालि
- साहाबागानजो सामलायजानाय फरायसालि

थाखो सेनिफ्राय थाखो गुसिम

मन्थि, एम.पि, एम.एल.ए, गाहाइ मावफुं सोद्रोमा, मावफुं  
सोद्रोमा, आइ.ए.एस, आइ.पि.एस, आइ.एफ.एस,  
ए.सि.एस, ए.पि.एस, ए.ए.ए.एस, आसाम सरकारनि ग्रेड-I  
आरो ग्रेड-II मावख'गोरा बायदि बायदि

ड० हिमन्त बिश्व शर्मा  
गिबि मन्थि, आसाम





## शुनलाइनि फिथिखा

गुसु फिथिखाखौ मोनलोंबायब्ला  
नोंनि गोबों बिखानिफ्राय...  
बावनो आं बौरैथो,  
हाखानायथ' नडा बावनो।  
आंदि अराय गोजोमनोसो लुबैयो  
उफ्ले-उफ्ले नोंनि गुवार गोबोंआवनो,  
नोंनिनो अन्नायखौ मोनकुंनो  
आंनि हाबिलास जायो।  
दं नोंनि राइजोआवनो मानोना  
बयनिखुइबो गोदेंसिन फिथाया,  
जेराव आंनि गोसोआ हांखुर जायो  
बै अमवृत्तिन बिदैखौ सोबनो।  
नाथाय...खायसे सुबुंफ्रा आंखौ  
बजबनो थानायाव नोंनि अन्नायखौ  
जावलियासो होन्नानै बुंसै,  
मानोना बिसोर.....  
नोंनि फिथिखाखौ मोनलोंफेराखै।  
नोंबो मोनलोंफेरनाय मोनब्ला  
मिथिगोमोन नोंबो अब्ला...  
बै फिथिखानि बिदैखौ  
बेसेदि गोथाव आरो बेसेदि गोदै।  
दा आं नोंनि गोबोंयावनो थानानै  
संसारनि गेना खात्थिफोरखौ  
नोंनि गोबोंनिफ्राय बोहैबोनाय  
गुसु दैमुनि दैजों सुस्रानो लुबैयो।  
नाथाय ...आंबादि  
नंखाय बावदा खन्थायगिरिया  
आंनि आखायनि नंखाय रेबगना  
नोंनि गुवार लैथोयाव गास'नो हाया,  
अब्लाबो लुबैयो सानसिनो, नोंनि गोबोंआव।  
दंब्लाबो जेन्नाय आरो देरहानाय  
थेवब्लाबो लुबैयो हानथिनो मानोथाय,  
आखायनि रेबगनखौ लोगोआव लानाय  
नोंनि बै फैलाव बिखायावनो।

सुबास बसुमतारी  
कसुगाव ( थाप्लाज 'रा )

## खौसेनि आगान

मुस्रि रमेश चन्द्र ब्रह्म

खोमसि मुलुगआ सोरां जाबोगौ हनै  
अखानायसि सोरांनि बारा बारबोगौ,  
माबा रादाब लानानै फेगौ जोंनि फासं  
फुंबिलिनि गोजोन बारआ।  
खोमसिनि सिगां सोरांनि लामाजों  
आवगायबो बयबो हारिनि सुबुं  
दागि-दागि रावबो रावखौबो दागि  
दानि मुगायाव गिनानै थानायनि सम गैलिया।  
समा सौबाय बोथोरा सौफैबाय बयबो सुबुंआ  
हारिमा-हारिसा फोलेर दानायनि फारि जाबाय।  
जान्जि खाफ्रा, बिखा फोर्दान, सुथुरा फेगौ हनै  
जोंनि मोखां फासं हान्जा-हान्जा।  
हारि-माहारि बयबो सुबुंआ  
खौसे जानानै सुथुरनि सिगां  
आवगायबो आखाइयाव हाथियार दैना।  
खौसेनि आगानखौ खोमोरना  
साफा-फारफा आगान सुराब्ला  
नुजागोन हारियाव अलखद समा।  
हिंसांनि लामाखौ नागारनानै  
अहिंसा लामाखौ लायाब्ला  
जानोसै हनै हारिया फोरसा-फोरसि।  
खौसेनि आगानखौ सुराब्ला  
जोबसां बोगौ हनै जोंनि हारिया  
सुथुरनि आखाइयाव फारि-फारि।  
हिंसानाय गोसोखौ नागारना  
अहिंसा गोसोखौ जोबजना  
माबारै सुथुरनि सिगां फासं  
आवगायनि फे जों बयबो बर' हारि  
खौसेनि आगान होदिनि मुलुगाव अराय।

## मिथिंगा

बे बुहुम बिखायाव  
गोजौ गाहाय हायेन,  
मिथिंगा बिखायाव  
जेरैबो सोरगिदिं बेंखननाय।  
नायोब्ला बेसे समायना  
बे मिथिंगाया,  
जेरैबो दैमा, दैसा,  
जिरि जिरि बोहैबोनाय।  
बिफां लाइफांआव बाना  
दाउसिन दाउलाया मेथाय रोजाबसै  
गोसोनि हाबिलाया रिखांफैसै  
अरायबो दाउसिन दाउलानि मेथाय खननाया।  
बे बुहुम मिथिंगायावनो,  
गोसो खुसियै, गथ-गथाया रंजाबावदों  
लावखार गथफ्रा मैसोनि बिखुआव  
गाखोना सिफु सुनानै मिथिंगा बिखायाव रिसारहोदों।  
नाथाय अरायबो गोजोनै मानसि माहारिआ  
बे मिथिंगायाव आलो गोजोनै रायजो जादों  
अरायबो गोसोनि हाबिलाया बेरखांफैदों  
नाथाय गोजोन खौसेयै थालायदों।  
बेरे सिखिरिया, बिबाराव बिदै सोबदों,  
नाथाय बिसोरनि गोमो गोथां  
गाबा मिथिंगायाव समायपलेदों  
नाथाय जेरैबो बिफां लाइफां, हाजो-हायेनजों  
बे मिथिंगा बिखाया समायपलेनाय।

मुस्रि अस्मिन् बसुमतारी  
गामि- खासापुर हालां बाजार।

## सोलोंथाय

सोलोंथाया मा ?  
सोलोंथाया जोंनि जिउनि लोगो  
जोंनि बिफा।  
सोलोंथाय नडाब्ला  
बे मुलुगआव थाना थानो  
दासान सुबुंफेरे।  
साननो रोडब्ला गावजों-गाव  
नांलाय-लायगोन खमलाय-लायगोन  
सोलोंथाय नडाब्ला,  
गावनि खाफालनि थैखौ  
जेरावबो मिथि होनो नाजा  
गाव रोंब्ला मालायखौ  
फोरोंनो हायो।  
सोलोंथाया जोंनि बिफा  
आंजों लोगोआव थाफा।

मुस्रि थनिजा ब्रह्म  
गामि- धावलिगुरि  
जिला- कक्राझार ( बड 'लेण्ड )।

## आंनि गोसोनि दुखु

आं जाबाय सासे  
निखाउरीनि फिसा;  
गोसोजों लुबैनायखौ  
नांगों सानब्लाबो मोना।  
आंनि गोसोनि दुखुखौ  
सोर मिथिनो।  
मानो सानबाय थायो,  
आं आंनि दुखुखौ।  
सामफ्रोमबो जानाय  
लॉनाय मानि आंखाम  
उखैया दै गाड  
जेरावखि थाड  
दुखुखौ सानखांबाय थायो।  
लेखा फरायनायावबो  
दुखुखौ सानै सानै  
मोदैया र'गयो।  
नाथाय आंनि गोसोआव  
लोगोफोरजों राइज्जायब्लाबो  
दुखुखौ सानखांबाय  
थायो मानो ?  
सोर मिथिनो सोर खोनासंनो  
आंनि गाबनायखौ  
रावबो मिथिया,  
आंनि गोसोनि दुखुखौ

मुस्रि रिन्दाव बसुमतारी  
गामि- 12 नं थुंका  
जिल्ला- कक्राझार बि टि सि ( आसाम )।

## रंजालि गथ'फोरनि सौरा

### बां खन्थाइ सोरजिनो

बां  
खन्थाइ  
सोरजिनो  
हायो माथो  
लाइमोनसिया समाजारि बिजोडव

बां  
खन्थाइ  
सोरजिनो  
हाबानोथ'  
आगान थालाडो खन्थाइनि सेर सेर

बां  
खन्थाइ  
सोरजिनो  
हाबानोथ'  
खन्थाइनि थिलिआव बराय जायो

बां  
खन्थाइ  
सोरजिनो  
हाबानोथ'  
गायामानि मोजां मावनाय जायो

-रैदोम बर', बाक्सा

## देरहासाद

जागोन जों इयुन जोलैनि देरहासाद  
जागोन जों बर' हारिनि देरहासाद,  
फोथांगोन जों हारिखौ  
सिबिगोन जों माहारिखौ।  
गोदोसोना थानाय बर' हारिखौ  
नाजागोन जों बोखांनो  
बर'नि हारिमुखौ बोखांफिन्तो  
जागोन जों जेब्लाबो थियायि।  
धोरुमखौ लानानै दावगागोन जों  
एना-एनि साननायखौ फोजोबसांगोन,  
हारिखौ अराय गोजौआव दैखांगोन  
जागोन जों जेब्लाबो देरहासाद।  
बर' हारिखौ खौसे खालामगोन जों  
हारिनि अराय खोमथा फिरफिला बिरहोगोन,  
जागोन जों जाफुंसारगोन  
हारिखौ अराय गोजौआव दैखांगोन।

दिबाकर ब्रह्म  
थारखो-9 ( गु )  
गामि- फाटाकाटा

## आंनि फोथाराव

नै, गोसो  
हमथा नों आंखौ,  
नों दाहगारसै  
आरोबाव आंखौ  
गोदाव-सोरावयै।  
मँग्लि हाबबाय दिनै  
आंनि गासिबो देहा सोलेर,  
लामा दथानि  
हायाव गोलैसोना थानाय  
दाखोर बिलाय बायदि  
लुबैदों आंबो दिनै  
सिरियै उन्दुप्रोनानै थानो।  
मोजां मोनलायनायनि  
खेला गेलेयै-गेलेयै  
सिमाडवनो सिमां सुजुनानै  
आं दिनै  
एसेबां गोजान सौफैबायदि  
आं आरोबाव एसेबो  
आगान सुरनो हालिया।  
आंनि लामानि  
मोनफ्रोमबो आगानावनो दड  
बोखारख' हायै सुफेर।  
आंनि फोथाराव दिनै  
सानाव सान नुलिया,  
आरो हराव अखाफोर नुलिया।  
आं गिदोंसै दिनै  
आंनि फोथाराव.....  
गाबोन मा जागोन।  
गोजाम्निवदों सोलेरा आंनि  
बेखौनो सानै सानै।

मिजिं नार्जारी  
गरुभासा, चिरां

### सोंनो सोंनो साननानै

गोसो गोबोंनि बाथा बुंनो बुंनो सानना  
सम आरो बुब्लि बारलांबाय  
सानसे फैबाय बेरायनो न' गुदिआवनो  
बे खाबुखौ लानानै गसहैबाय बेनि सेराव

महर मोखां नायबाबो अहाया बिनि  
नुना मिनिस्तु मिनिखैरोना रायदावबाय  
मिनिस्तुयै सासु मासु लाजिनायजों  
गोमोना बावगारबाय बुंनंगौ रावखौ

समफोरा थानायनिफ्राय थांबाय थाबाय  
बुंनंगौवा बुंनंगौयैनो थालांबाय थाबाय  
गोरबोआव जमा जाना  
समा रावनिबो थाखाय नेबाय थाया,  
साना सानैनो थाबाय थाया

गोसोआव थुसो थुसो बुधुमना लानाय सोदोबखौ  
आबौनि बस आव  
आन्दोआव बिखौ लोगोमोनबा,  
फोरमायबाय, गोरबोनि खोथा  
खावलाय खेवना मिनि खैरो मिनिना बलथ  
आंखारलांबाय

बोसोरनै उनाव चयधुवार कलेज हस्टेलनिफ्राय फैबा  
खौरां मोनबाय -  
मोजां मोत्राय गैया गैया होन्नाया  
फसायनायबो गैया होन्नायानो  
गामिनि खाथिनि सिख्लाखौ दोनखारलांबाय  
इटानगर टाउनाव

सानदोंमोन सोंनो सानसे  
मानो आंखौ नेवसिलानाय  
मानो आंनि गोबोंखौ थगाय लांनाय  
मानि थाखाय आंनि गोसोआव दाहा बिदां होलांखो

सानसे लोगोमोना लोगो मोनबायबो ककिला हाथायाव  
हरना लादोंमोन गोदोनायाव हिन्जावनि बेग लरगग  
माबेनिफ्राय जागायनो माबेनिफ्राय बुंजेननो सानै सानै  
सोंगोनखौ बावना सोंबाय हिनजाव आलाय फैयाखै  
नामा नायगौमोन आं!!  
मिनि मिनि बुंबाय, बै नुहरनाय पालाराव दं

सनिया बसुमतारी  
गामि: ककिला बनरगाव,  
बिस्वनाथ

## फैमाल जिउ

आंनि जिउनि मोजां मोन्नाया  
दिनै फैमाल जिउ खालामलांबाय,  
गोबों गोसोआव दुखु-दाहा  
सहायस हायै हांमा गालांबाय।  
सानाखै आं अनजालि  
गोबों गोसोआव हांमा थागोन,  
पुस दाननि फ्रि-फ्रि खुवाजों  
मिथिंगानि बिफां-लाइफांनि  
बिलाइआ रानलांनय बादि,  
दिनै आंनि गोसोआबो अनजालि।  
आंनि नोंखौ मोजां मोन्नाया  
अराय रानझाव-खुझाव फैमाल जिउ।  
फानफेवाली दावआ गावनि अनजालि  
लोगोरि गोमाना फिउआ-फिउ  
खाराव-माराव गावनाय बादि।  
आंनि नोंखौ अराय हास्थायनाया  
बबेनिफ्रायबा बार मोदाय फैना  
आंनि जिउनि लामा ससेयाव  
आंनि मेगननि नोजोराव हाद्रि-बाला  
सारफावना गालांबाय नों अनजालि।  
आंनि नोंखौ मोजां मोन्नाया  
आंनि नोंनो अन्नाय होनाया  
अरायनि थाखाय थोयै-लोमे,  
अराय आंनि मेगननि आन्दोआव  
आनज्राय लांबाय नों अनजालि।  
गोसो गोबोंआव नोंनि मुंखौ  
अराय फैमाल जिउनि सानना  
थप्ला जुना दोनबाय आं अनजालि  
बे आंनि फैमाल जिउआव।

दानसोरां बसुमतारी  
गामि सेसायानी  
ला:सो: मागुरमारी  
जिल्ला-कक्राझार, बिटिसि ( आसाम )







